

14/08-26

UKA 2026 / 335

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Illorsuit ammaqpinneqarnissaanut Naalakkersuisut pilersaarummik suliaqaqqullugit Inatsisartut aalajangiiffigisassaattut siunnersuut. Pilersaarummi nunaqarfiup pilerseqpinneqarnissaanut pisortallu ingerlatsinerisa aallarteqqinneqarnissaannut pisariaqartinneqartunik inatsisitigut tunngavissat ilaatinneqassapput, pilersaarullu kingusinnerpaamik UPA 2027-mi Inatsisartunut saqqummiunneqassalluni.

(Inatsisartunut ilaasortaq Aqqalu C. Jerimiassen, Atassut)

Tunngavilersuut:

Inatsisartut upernaakkut ataatsimiinnerat 2026 Atassummiit apeqquteqaat aallaavigalugu oqallisissiaq Illorsuit siunissaannut annertuumik toqqammaviliisoq saqqummiupparput.

Maanna oqallinneq pereersimalermat ammaqpinneqarnissaanut suleriaqqittariaqarneq piffissanngorpoq, taamaattumillu naalakkersuisut pilersaarummik suliaqartariaqalerput.

Pilersaarut tassaannaassanngilaq skuffiup iluanut ileriarlugu pujoralassiassaq, naalakkersuisooqatigiilli suliasamittut pingaartutut isigalugu inississimmasaat malillugu suliarisariaqagaq annertoq.

Illorsuit tassaasariaqarpoq uani qiningaaffimmi suliat annertuut inerneqarfiusumik takussutissarisariaqagaat.

Inui utaqqipput, neriuttuarput ulloq taanna nunaqarfimminnut uteqqissinnaatitaallutik pisortat allaffissornikkut ingerlatsinerannik allatulli sullinneqarsinnaallutittaaq tassani najungaqarnerminnik nalunaarsorsinnaallutik.

Pilersaarup naammassiniariartoq Naalakkersuisut inatsisissamik piaartumik suliamik aallartitaqartariaqarput pilaarsarneq unitsillugu.

Uani eqqaamasariaqarparput Nuugaatsiaq pineqanngilluinnarmat, piffik taanna ulorianarluinnartumik inissisimavoq, atungassarititaasullu isumannaallisaanikkut allarlunnammi inissisimallutik.

Illorsuit takuneqarsinnaasutut Nuugaatsiami tassaarsuaqarujussuarnerni iisaqarusujussuurtutut piinnarpoq, illunik amusaasoqanngilaq pissutsit allarlunnaapput, Nuugatsiamut assersuukkuminaappoq.

Illorsuit avannamut kujammullu angallavimmi aqquusaartorsiusaqaq, attaveqaataasalu qaminnerisa kinguneranissaaq isumannaallisaaneq sillimaniarnerlu eqqarsaatigalugu ajoraluartumik pitsaanerulinngivillutik atungassarititaasut.

Inuisa aasat tamarluinnaasa najortarpaat amerlaqisut, illorpaalunnguilli pisortallu illuutaat asiujartorput, kinguarsaannaruttalu akitsoraluttuinnassapput tamakku.

Suleriaqqinneq tulleg aallartiffigissallugu piffissaavoq maannakkut.

Aningaasatigut ingerlatsinikkullu pisortanut kingunerisassai:

Pilersaarutip ukioq ataaseq missaani suliarineqarsinnaanissaa naatsorsuutigineqarpoq. Suliaq AC-fuldmægtigip ukiup affaani sulineratut naleqassasoq, tassa 250.000 kr.-inik aningaasartuuteqarfiussasoq, naleqarsinnaavoq. Naliliinermi aarlerinartunik naliliinerit aallartinneqareersut paasissutissallu pioreersut tunngavigineqarsinnaanissaat naatsorsuutigineqarpoq. Teknikkikkut misissuinernik annertunerusunik imaluunniit avataanit immikkut ilisimasalinnit ikiorneqarnissamik pisariaqartitsisoqassappat, aningaasartuutit amerlanerulersinnaapput. Taakku maanna paasissutissat tunngavigalugit erseqqissumik naatsorsorneqarsinnaanngillat.

Pilersaarutip kingunerisaanik Illorsuit ammaqpinneqassappat, pisortat suliffeqarfiinik, attaveqaasersuutininik sullissiveqarfinnillu pilersitseqqinnermut pisortat aningaasartuuteqarnerunissaat naatsorsuutigineqassaaq. Aningaasartuutit taakku pilersaarutip imaa aamma pilersitseqqittoqassappat taassuma annertussusissaa paasinarsereerpat aatsaat sukumiinerusumik naatsorsorneqarsinnaassapput.

Namminersortunut aningaasarsiornikkut allaffissornikkullu kingunerisassai:

Soqanngilaq.

Innuttaasunut aningaasarsiornikkut allaffissornikkullu kingunerisassai:

Soqanngilaq